

讀

風

臆

補

序

氣无朕乎芒乎而眇眇爾俄飄忽也觸乎籟不自遏也

淒以厲焉天之風也心无動乎眇乎而寂寂爾若抽首也縹乎物
不自知也或怡嚙焉或鬱以勃焉詩之風也善矣哉明荆南戴忠
甫之讀風乎詠歎之淫佚之味其辭則低徊之往復之尋其旨則
優柔之饜飫之浹其心始也導竅而入入沕穆也慄慄乎迎也繼
也引緒而出出絲紆也悅悅乎揭也今所傳讀風臆評是也目意
逆志是爲得之戴君其得之矣陳子舵巖取戴君所臆者臆補之
引伸其所未達廣其所未詳卽名其書曰臆補余爲之序焉序曰

子惟臆戴君之臆以臆風人之臆乎倏焉而愉焉蕩往焉咀其芳
悅而鮮不臧撻支擷鄂惟衿佩之惟若恐萎之碧天寥寥媚陽其
予要蓋有也靡然與以思者倏焉而款款焉而回悟焉若失若不
失繫之不得馳而往往而不可以控從乎麗曼之區荏弱不我勝
也抑瞑焉而不能置也蓋有憫憫然與以慕者思以存慕以永其
端无始其末无竟若眇夕嵐之遠不煙雲而翠澹淡若立靜夜之
月露霏於衣而不知其涼復倏焉而糾憫而慄以悄若亭茗者我
誘胡茗邈焉而不我就幽蘭空山微雲揜曖之蓋有蟬攀攀然與
以怨者復倏焉而水瀾瀾而漫以逝而激之昂鼻不可以自持連

狝焉而罔守其所居林岬乎之相扼瞠乎山乎之相囑暑乎蓋又
有囚軋然與以憤者未也復倏焉而啗焉而心如喪焉茶而不振
也頽而沈也若絲之紛幡纒不於我乎理也日之杲杲晬葩鮮禽
眩沲嘔哲而失其欣蓋又有遯之愀愀然與爲悲者之五者風人
之爲忠臣爲孝子爲賢夫婦爲羈旅士爲淫佚女爲饕餮憤眊伎
恨靡蕩之人其臆之篤顧而燕婉而惓勞而淒咽而騷肆紊亂靡
有遺陳子綜括之抵厥窆靡有闕靡有背一百六十篇無餘臆焉
達大小序者誣墨守箋疏者膠不膠不誣其遊之也虛其循而依
也有除風人之臆或有不能自明陳子皆臆之抑漢魏三唐有韻

之詞半爲風之餘迭流以相變陳子挹其流眉列於篇次以證其
原所自出世之學者卽求作詩之法於陳子之所臆者臆之曰猶
盤戾乎猶相轆葛而莫窺其端倪乎而曰否乎

咸豐十年庚申秋大某姚燮序於息游園

讀風臆補敘

溫柔敦厚詩教也而詩之失愚詩豈能愚人哉溺其志而失於自用
人自愚耳夫詩本性情每什每章各有其性情所在然若雅正
體節頌告成功毛公訓詁既傳馬注鄭箋紛紛繼作其義類既衷
一定讀者可無二三其間惟國風多里巷謠男女贈答其中貞
淫美刺反覆纏綿有不可以一端泥者藉非深於情者以己之情
推詩之情旁見側出以達其欲達難達之情安得千載上下氣息
如聞而神明遙浹也乎陳子舵嚴深於情者也深於情故深於詩
而尤深於詩之風平日讀風恆有得於聲音微眇之間欲於箋疏

會其意而迄不得其意偶獲前明戴忠甫臆評一書恍若自其意之所出於教學之暇加評於戴評之後或註以經或取之史或採漢魏六朝及唐宋以下諸家詩以疏通證明之孟子曰以意逆志是謂得之戴君逆詩以意而詩意明陳子補臆評之評而戴評之意尤明而風人作詩之志愈益明豈第不失之愚亦覺溫柔敦厚之旨盎然於字裏行間焉誠足大快人意也屬弁簡端爰敘其槩如此

咸豐三年夏月中浣桐江芝田徐發仁書於飽閒散齋

讀風臆評原敘

戊午蜀闈予受事簾以外多暇然予性故紛馳不耐暇闈中束於禁旣鮮縹緗之攜可以醒發心眼而擣蒲六博之務又所弗習卒何以消此清晝爰檢衣篋得國風半部展而玩之哦之唵之楮之翰之嗟夫此非天地自然之籟顏成子游之所不得聞南郭子綦之所不能喻而歸之其誰者耶彼其芒乎忽乎俄而有情俄而有景俄而景與情會醞涵鬱勃而詠歎形焉當其形之爲歎歌也景有所必鬱不極其致焉不休情有所必宣不竭其才焉不已或類而觸或寓而伸或變幻而離奇莫自而計夫聲於五莫自而計夫

正於六而長短疾徐抑揚高下無弗諧焉使之者其誰耶非器非聲非非器非非聲以不聞聞或聞聞或否以不解解或解解或否何乎哉紫陽氏竅與竹焉當之也調調刁刁呶呶蓼蓼者之日接吾前而吾且失之乎劍首乃曰吾於解詩無恨詩如有知甯不揶揄竹素間耶凡吾耳目見聞大率依傍物耳纔有依傍卽有制縛譬如臧獲受約束三信尺尺寸寸傳習維謹何暇出乎域中惟臆也不受制縛時潛天詩潛地時超象罔時入溟滓夫欲破習而遊於天也則莫如臆矣是故蔑舍紫陽以臆讀以臆評以臆點浣斷畫冊而呈之直指吳公攝臬閔公爰進不慧而語之曰善夫子與

氏不云乎以意逆志是爲得之昔也子列子御風而行泠然善也
非其身能御之亦意御焉耳意也者臆也子能如是吾且與子相
御而遊乎十五國之間萬厯戊午八月之望巴令荆南戴君恩忠
甫敘於蜀闡之西署

例言

一原本於別句處用點兼用圈文章妙處用密點密圈今原本所密加圈點者不敢損其未圈點而別有可賞者則增圈點之非敢逞私資詠歎也若別句則用單圈而已

一原本於詩旨所在及字法精妙處俱用●今字法精妙者改用○○以別之大旨所存則仍舊也分段用┐亦照原本但亦有增無減耳

一尾評眉批俱照原評低一字旁批不妄參者恐貽混珠之誚也惟幽風七月戴公不贊一詞故旁批亦爲之補綴焉

然戴公原評所不及者通國風中亦有六十六篇之多另
列風次逐一註明

一 引用書籍白

欽定詩經傳說彙纂外如讀詩記詩
總聞詩集傳詩緝續讀詩記詩說詩經義疏詩經疑問詩
義通釋毛詩稽古編世本古義詩所朱子詩義補正詩類
考毛詩寫官記初學辨體毛詩日箋詩正解毛詩名物圖
說詩序廣義瑯嬛體註詩經精華毛詩序說詩緝補義等
書凡數十種皆經學也祇採其引證詩賦及有關文妙者
稍涉訓詁不敢屏入故鄭箋孔疏渺所取焉外此若騷經

易林文心雕龍昭明文選通志困學紀聞升庵外集詩法
火傳詩學指南藝苑卮言藝林粹言顧氏日知錄選詩論
定宋元來各家詩話及漢魏六朝唐宋元明迄 國朝諸
家詩偶得一二卽爲引證最後得鄞邑前輩陳餘山大令
僅詩誦一書乃未刊本也頗多採入以爲是書之一助云
一引用俱詳姓氏惟眉批概從省文其總批之略姓氏者因
有參數家言爲一條并有非原書本旨而第借用其語者
更有得之耳聞目見時久或忘其出自何人何書者掠人
之美則蒙豈敢

一評語用圈點取醒目也其有關詩學源流及開後人作詩
法門者則用△以別之

風次

卷一 周南十一篇

關雎

葛覃

卷耳

樛木

無原評

蟋斯

桃夭

無原

評

兔置

采芣

漢廣

汝墳

麟之趾

無原

評

卷二 召南十四篇

鵲巢

無原評

采芣

草蟲

無原評

采蘋

甘棠

行露

羔羊

殷其雷

無原評

標有梅

無原評

小星

江有汜

野有死麕

何彼穠矣

無原評

騶虞

無原評

讀風臆補上卷

風次

卷三 鄉十九篇

柏舟

綠衣

評無原

燕燕

日月

評無原

終風

擊鼓

凱風

雄雉

評無原

匏有苦葉

谷風

評無原

式微

旄邱

評無原

簡兮

泉水

北門

評無原

北風

評無原

靜女

評無原

新臺

評無原

二子乘舟

卷四 鄘十篇

柏舟

評無原

牆有茨

評無原

君子偕老

桑中

鶉之奔奔

評無原

定之方中

蝥螋

相鼠

評無原

干旄

載馳

卷五 衛十篇

淇奥

評無原

考槃

碩人

氓

竹竿

評無原

芄蘭

河廣

伯兮

評無原

有狐

評無原

木瓜

評無原

卷六

王十篇

黍離

君子于役

君子陽陽

評無原

揚之水

中谷

有蒹

芄爰

葛藟

采芣

評無原

大車

邱中有

麻

評無原

卷七

鄭二十一篇

緇衣

將仲子

叔于田

評無原

大叔于田

清人

羔裘

評無原

遵大路

女曰雞鳴

有女同車

評無原

山

有扶蘇

瘁兮

評無原

狡童

褰裳

丰

東門之

墀

評無原

風雨

子衿

評無原

揚之水

評無原

出其東門

野

有蔓草

評無原

溱洧

卷八

齊十一篇

雞鳴

還

著

東方之日

評無原

東方未明

評無原

南

山

評無原

甫田

盧令

評無原

敝笱

載驅

猗嗟

卷九

魏七篇

葛屨

評無原

汾沮洳

評無原

園有桃

陟岵

十畝之間

伐檀

碩鼠

卷十 唐十二篇

蟋蟀

山有樞

揚之水

椒聊無原評 綢繆

杕

杜

無原評

羔裘

無原評

鵠羽

無衣

無原評

有杕之杜

無原評

葛生

無原評

無原評 采芩

卷十一 秦十篇

車鄰

駟驥

無原評

小戎

無原評

蒹葭

無原評

終南

無原評

黃鳥

晨風

無原評

無衣

無原評

渭陽

無原評

權輿

無原評

卷十二 陳十篇

宛邱

東門之枌

無原評

衡門

無原評

東門之池

無原評

東門之

無原評

東門之

無原評

楊無原墓門

防有鵲巢無原月出

株林

澤陂

無原評

卷十三 檜四篇

羔裘無原素冠

隰有萇楚 匪風

卷十四 曹四篇

蟋蟀無原侯人無原鵙鵙

下泉

卷十五 幽七篇

七月無原鴟鴞

東山

破斧無原伐柯無原九罭

狼跋無原評

右國風每風爲一卷得詩一十五卷都一百六十篇眉批旁
批總批統計二萬數千言出自戴評者五千餘言耳揆所補
不啻四倍焉鈔錄旣竣因識數言於簡端曰詩之爲經夫人
知之矣然而以經讀詩不若以詩讀詩之感人尤捷也象山
姜白巖先生云詩之爲道其旨遠其發諸已也根之於性情
其感於人也乃在聲音微眇之間故詩可意會而不可以言
傳何則傳之於言箋疏愈煩性情愈晦會之於意性情旣通
箋疏可廢而固者獨竊竊然疑之此不可與讀詩而尤不可
與讀風者也請卽以風論之夫風動於天者也動於天者而

欲捉其影此必不可得之數也然而人御之而機爲之嚙物
被之而質爲之化以天還天自有相動於不自知者本此意
以讀詩則與風人同遊於天也亦何患遠在千百載上者不
能會晤於一時散處十五國間者不能嘯歌於一室也哉善
哉臆評一書戴公眞先得我心也戴公之於詩以臆讀以臆
評排空而不摭實觀書而不害志而丹黃點斲使興觀之旨
瞭然於紙上揆向有志於詩引經据典徒費苦心得此讀之
風人如詔我也長夏無事取其冊而補綴焉點斲略增一二
援引多出古人參己意者十之三四耳雖續貂之謂誠所不

免然以此爲消夏計已不啻薰風南來披襟當之矣時咸豐
三年歲在癸丑夏六月既望後也



讀風臆補卷一

明荆南戴君恩原本 鎮海陳繼揆舜百補輯

周南

偶失之錄以竊疑二字
目之千古詩人一時頗
首

描寫幽室當是既得後
追想及之者恐未得時
說不出此種情致也

關關雎鳩在河之洲。窈窕淑女君子好逑。參差荇菜左右流之。窈窕淑女寤寐求之。求之不得寤寐思服。悠哉悠哉輾轉反側。參差荇菜左右采之。窈窕淑女琴瑟友之。參差荇菜左右芣之。窈窕淑女鐘鼓樂之。

詩之妙全在翻空見奇此詩只窈窕淑女君子好

迷便盡了。卻翻出未得時一段。寫箇牢騷慢受的
光景。又翻出已得時一段。寫箇歡欣鼓舞的光景。
無非描寫君子好逑一句耳。若認做實境。便是夢
中說夢。

局陣絕妙。分明指點後人作賦法。

宮詞之權輿也。

詩道性情。本無所謂景也。三百篇中之興。如此
詩之關雎流荇。有似乎景。後人因以成風雲月
露之詞。景遂與情並言。而興義以微。然唐詩猶

是有興○宋詩鮮焉○後乎此者○景尙不成○何況於興○故學詩當從國風始○

古詩之四言○猶後人之五言七言○其定體也○然有不拘拘每句四言者○漢人爲之○則一字不敢增減矣○唐人惟杜甫不爲四言○李白一流宗漢道○元結一流宗三百篇○然有合有不合○亦唐之四言耳○總而論之○有三百篇而四言之能已極○漢以後其餘波也○試觀此詩描寫曲至處○後人更能學步否○

一章起二句連用韻凡漢以下詩及唐人律詩
之首句用韻者源於此二三章四句一轉凡古
詩轉韻之法源於此顧亭林曰三百篇之詩句
多則必轉韻魏晉以上亦然宋齊以下韻學漸
興文人趨巧於是有強用一韻到底者然終不
及古人之變化自然也

詩不論近體古風皆要知起承轉合之法以三
百篇論之卽如此詩則第一章首二句是起三
四句是承第二章是轉第三章是合以後凡一

分明當作兩篇讀

秀色映人

字字生動如在耳目之前

一篇之主

奇絕不願世有肉眼

篇有起承轉合一章有起承轉合并一句亦有起承轉合者可從此類推矣

葛○之○覃○兮○施○于○中○谷○維○葉○萋○萋○黃○鳥○于○飛○集○于○灌○木○其○鳴○喈○喈○葛○之○覃○兮○施○于○中○谷○維○葉○莫○莫○是○刈○是○獲○為○絺○為○綌○服○之○無○斃○言○告○師○氏○言○告○言○歸○薄○污○我○私○薄○澣○我○衣○害○澣○害○否○歸○甯○父○母○

詩題故伏中章為絺為綌服之無斃二句是也卻用退一步法描寫中谷始生時景物點綴如畫三章忽設歸甯一段空中構想無中生有奇奇怪怪

極意描寫從來認歸甯爲實境不但詩趣索然更
於事理可笑蓋國君夫人無歸甯禮設有之亦何
至浣洗煩擱若里媼村婦爲耶故曰說詩者不以
辭害意

清麗奇崛其清麗可能也其奇崛不可能也

首章上三句爲一段下三句爲一段秩然賓主
實爲唐律先聲兮萋飛喈六句四韻而間以谷
木兩韻亦是詩家一進一退格
末章否字作十成解似呆作揣問解則喚起下

妙絕千古

市云懷人又云不永懷

謝道入妙

總起借以描寫懷人一句大奇大奇

句歸甯得催促之神似活

采采卷耳不盈頃筐嗟我懷人實彼周行

陟彼崔

巍我馬虺隤我姑酌彼金罍維以不永懷

陟彼高

岡我馬元黃我姑酌彼兕觥維以不永傷

陟彼徂

矣我馬瘠矣我僕痛矣云何吁矣

情中之景景中之情宛轉關生摹寫曲至故是古

今閨思之祖

詩貴遠不貴近貴澹不貴濃唐人詩裊裊城邊柳

青青陌上桑提籠忘采葉昨夜夢漁陽亦猶是卷

耳四句意耳。試取以相較。遠近濃澹孰當擅場。
懷人二句。唐人詩無端嫁得金龜婿。辜負香衾。
事早朝。意本此。後數章託言登高不遂。其願亦
是從思念中虛設一番景象者。猶云我所思兮。
在泰山。欲往從之。梁父艱。計程應說到涼州。計
程應說到常山耳。又唐詩夢裏分明見。關塞不
知何路向金徽。卽後三章意也。杜子美鐵堂峽
詩。徒旅慘不悅。我馬骨正折。則猶是僕痛馬瘡
矣。

首章嗟字末章吁字詩家前後照應法
首章隔句用韻凡漢以下詩及唐人律詩之首
句不用韻者源於此後三章自首至末句句用
韻凡漢以下詩若魏文帝燕歌行之類源於此
張子詩閨闕忱難與國防默嗟徒御困高岡觥
罍欲解痛痞恨采耳元因備酒漿嚴華谷引之
謂卷耳可爲麴樂后妃主酒漿之事故見采耳
而念使臣在途之苦思酌酒以慰勞之也是亦
足備一說者

南有樛木○葛藟纍之○樂只君子○福履綏之○南有樛
木○葛藟荒之○樂只君子○福履將之○南有樛木○葛藟
纍之○樂只君子○福履成之○

一章中兩字有呼應○三章中六字有層折○故讀
重歌疊詠之詩○知風人妙境○字法迴異尋常耳○
輔氏曰○其美也○無夸詞○其禱也○無侈說○又可見
眾妾性情之正○

儼山陸氏曰○此詩以聲詩言三疊之類也○以聲
樂言三闕之類也○而古調從可識矣○

丰神秀逸首龍鏤此
種情境當讓風人獨步

兮○
盞斯羽○洗洗兮○宜爾子孫振振兮○
盞斯羽○揖揖兮○宜爾子孫蟄蟄兮○

比意不但在生育之繁。全在宜字。說說等字見得。勿論其他。只細玩說說薺薺字面。自是蠢斯寫生妙手。

蠡斯羽三言詩也後世練時日天馬徠等篇源
出於此

通篇是比。別無餘文。今詩家或詠花以比美人。

人面桃花相映紅
灼火光也萬九沙謂桃
花紅艷望之如火故曰
灼灼

而又自曰美人之美何以異此則不如無比矣
尚可謂有詩乎

桃之夭夭灼灼其華之子于歸宜其室家
桃之夭夭有其實之子于歸宜其家室
桃之夭夭其葉蓁蓁之子于歸宜其家人

美后妃曰宜爾子孫詩人宜之也宜字虛美之
子曰宜其家室之子宜之也宜字實一虛一實
各極簡妙

眉睫之間如相告語曰

肅肅兔耳極之丁丁赳赳武夫公侯干城
肅肅兔

季之讓卻然林宗之
讓季谷皆類此

宜施于中遠。趙趙武夫公侯好仇。肅肅兔置施于
中林。趙趙武夫公侯腹心。

只誇武夫而人才之多自見。然作詩者亦自有眼。
詩故雄偉奇崛。

古人寄身一業。皆以全體精神運之。此詩關鍵
全在肅肅兩字上。

詩有轉韻而轉韻之始。亦有連用隔用之別。錯
綜變化。不可以一體拘也。此篇首句與第三句
韻。二句與第四句韻。卽隔句用韻者。唐末章碣

雖樂辭難作是樂
如是而帝力何有仙
說破

有隔句用韻七律一首自號變體人亦傳以為
怪不知其自古有之矣韓昌黎作張徹墓銘上
下韻腳平仄迭用亦效此體

采采芣苢薄言采之采采芣苢薄言有之采采芣
苢薄言擷之采采芣苢薄言捋之采采芣苢薄言
結之采采芣苢薄言禰之

通體言樂更不露一樂字

看他由采而有而擷而捋而結而禰從容閒適之
意可想

萋楚茗華能得有此景象否。

序言后妃之美也。和平則婦人樂有子矣。蔡文姬悲憤詩云。兒前抱母頸。問母欲何之。人言母當去。豈復有歸時。觀此之悲。則知茆莒之樂。爲之歔歔。

前評云。言樂不露一樂字。其實未嘗言樂也。閒閒淡淡。敘述數語。正見太平無事。此樂本非婦人所及知耳。然其妙處。亦正在不知。知則反淺矣。

采○芣○苢○似○無○事○矣○無○事○近○古○薄○言○采○似○寡○慾○矣○
寡○慾○近○道○諷○詠○此○詩○恍○若○身○逢○懷○葛○焉○尤○妙○在○
詞○句○重○複○止○換○六○字○而○敘○情○委○曲○從○事○終○始○與○
夫○道○途○儔○侶○招○邀○容○與○之○意○藹○然○可○掬○儼○山○陸○
氏○所○以○歎○爲○天○下○之○至○文○也○試○取○而○誦○之○三○百○
篇○中○有○能○若○斯○之○春○風○太○和○猶○夷○自○得○者○乎○
南○有○喬○木○不○可○休○息○漢○有○游○女○不○可○求○思○漢○之○廣○矣○
不○可○泳○思○江○之○永○矣○不○可○方○思○翹○翹○錯○薪○言○刈○其○
楚○之○子○于○歸○言○秣○其○馬○漢○之○廣○矣○不○可○泳○思○江○之○永○

矣○不○可○方○思○ 翹○翹○錯○薪○言○刈○其○蕞○之○子○于○歸○言○秣○
其○駒○漢○之○廣○矣○不○可○泳○思○江○之○永○矣○不○可○方○思○

詩○詞○之○妙○全○在○反○覆○詠○歎○此○篇○正○意○只○不○可○求○思○
自○了○卻○生○出○漢○之○廣○矣○四○句○來○比○擬○詠○歎○便○覺○精○
神○百○倍○情○致○無○窮○

只○形○容○不○可○求○而○女○之○貞○俗○之○美○可○想○矣○若○註○更○
添○非○復○前○日○等○語○甯○不○蛇○足○

朱○子○以○江○漢○之○俗○好○游○引○大○堤○曲○以○證○詩○大○堤○
曲○云○朝○發○襄○陽○城○暮○至○大○堤○宿○大○堤○諸○女○兒○花○

豔驚郎目○後世綺靡之習○豈果文王時所有耶○
薛君章句以游女爲漢神○則又未免爲高唐洛
神之所祖矣○

漢之廣矣○四句○宋之問明河篇○祖此古詩○盈盈○
一水間○脈脈不得語○亦佳○鄞邑陳僅曰○數語極
詠歎淫佚之致○與麟趾于嗟○麟兮○同一機軸○于
嗟○句○簡○永○得○妙○此○四○句○反○覆○得○妙○贊○文○王○耶○贊
游女耶○明眼人正當於此着想○
之子于歸○言秣其馬○永叔云○猶古人言○雖爲執

作詩精神全在此以上都是客位

讀風臆補上卷

周南

十

鞭所忻慕焉者也。朱子悅之深意亦同。唐人香
匳詩云：自憐輸殿吏，餘煖在香羈。此卽歐朱意
也。孰謂周南正風乃豔情之濫觴哉？
雪山王氏曰：欲求游女，卒有所畏，抑而止。陶氏
所謂激清音以感余，願接膝以交言，欲自往而
結誓，懼冒禮之爲誓。

遵○彼○汝○墳○伐○其○條○枚○未○見○君○子○怒○如○調○飢○遵○彼○汝○
墳○伐○其○條○肆○既○見○君○子○不○我○遐○棄○魴○魚○賴○尾○王○室○
如○燬○雖○則○如○燬○父○母○孔○邇○

不是婦人憫其夫也。是詩人美文王也。當是時文
王德澤入人之深。雖婦人女子。無不傾信。詩人特
借汝墳婦人以寫其愛戴瞻依之思。未見既見是
丹青家布景處耳。傳神寫照。故應在阿堵中。此詩
如此讀。乃奇絕。

怒如調飢。後來閨怨。不能出此四字。韓詩調飢
作朝飢。薛君章句所謂朝飢最難忍也。焦氏易
林云。餒如旦飢。晉郭遐周詩言別在斯須。怒焉
如朝飢。漢晉去古未遠。當得其實耳。

讀○至○末○章○其○願○卽○寸○草○春○暉○之○願○其○心○卽○天○王○
聖○明○之○心○後○世○遊○子○吟○拘○幽○操○於○此○兼○之○矣○則○
謂○父○母○爲○指○文○王○可○卽○謂○不○指○文○王○也○亦○無○不○
可○

于嗟苟不更著一字妙
指公子曰麟兮指稱孔
子曰鳳兮也

王○伯○厚○謂○新○安○吏○僕○射○如○父○兄○與○雖○則○如○燬○父○
母○孔○邇○句○相○近○山○谷○所○謂○論○詩○未○覺○國○風○遠○也○
麟○之○趾○振○振○公○子○于○嗟○麟○兮○麟○之○定○振○振○公○姓○于○
嗟○麟○兮○麟○之○角○振○振○公○族○于○嗟○麟○兮○

寂寥簡短三歎而有餘音者連說六個麟字龍

之○種○鳳○之○雖○不○必○麟○而○無○非○麟○也○區○區○符○瑞○陋○矣○

杭世駿本孔仲達之說謂詩有上二句爲韻而
下單句不趁韻者爲腰句蓋詠歎之淫佚之也
或曰卽樂章之歎曲家之和聲耳不當以韻例
之○

讀風臆補卷二

明荆南戴君恩原本 鎮海陳繼揆舜百補輯

召南

首二句至理悟此省得
多少心思

維鵲有巢。維鳩居之。之子于歸。百兩御之。維鵲有巢。維鳩方之。之子于歸。百兩將之。維鵲有巢。維鳩盈之。之子于歸。百兩成之。

詩意猶周南之有○關雎○然周南止以鳩興后妃○
而此詩並以鵲比諸侯是興中更兼比意也○
于以采芣下○沼于汴于以用之○公侯之事○于以采

繫于澗之中于以用之公侯之宮被之僮僮夙夜
在公被之祁祁薄言還歸

連用四于以字分明寫出疾趨不甯之意僮僮在
公何等竦敬祁祁還歸何等閒飭真傳神手也

四于以字一氣讀之是古詩之排調

嘒嘒草蟲趨趨阜螽未見君子憂心忡忡亦既見止
亦既覯止我心則降陟彼南山言采其蕨未見君
子憂心惓惓亦既見止亦既覯止我心則說陟彼
南山言采其薇未見君子我心傷悲亦既見止亦既

覲止我心則夷。

采薇蕨而傷心。正所謂忽見陌頭楊柳色。悔教夫婿覓封侯也。若杜審言詩。獨有宦游人偏驚物候新。則與詩意相對照矣。

于以采蘋。南澗之濱。于以采藻。于彼行潦。于以盛之。維筐及筥。于以湘之。維錡及釜。于以奠之。宗室牖下。誰其尸之。有齊季女。

前面連用五于以字。奔放迅快。莫可遏禦。而末忽接以誰其尸之。有齊季女。如萬壑飛流。突然一注。

一篇章法大奇

忽作問答語。結束奇絕妙絕

大奇大奇

前面是虛衍是鋪敘法末句是實點是關鎖法

詩本美季女若俗筆定從季女說起此恰先敘事後點季女是倒法且敘事處滔滔絮絮極其詳悉至點季女只用二語便了尤是奇絕

嚴華谷引退之盤谷歌云盤谷之泉可濯可湘卽用此二章湘字可知古人字法之妙

蔽芾甘棠勿剪勿伐召伯所茇 蔽芾甘棠勿剪勿敗召伯所憩 蔽芾甘棠勿剪勿拜召伯所說

思人愛物觀物思人兩意都有後世峴山碑雲陽竹正祖此

只說召伯所茇德澤已在言表此外更設一語佛頭着糞矣。

其神淡其意遠後人多許去思記便覺無味。

少陵送賈閣老出汝州詩西掖梧桐樹空留一院陰蓋亦從召公甘棠脫來者。

三句成章之詩如著十畝之間素冠三篇皆連句用韻也有中句無韻者采葛無衣兩篇是也。後人如楊貴妃春詞楊柳裊裊隨風急西樓美人春夢中綉簾斜捲千條入詩體本此有首句。

何等風致

妙於用反若正說便索然

無韻者此篇是也後人如楊叛兒聞歡遠行去

送歡至新亭津邏無儂名詩體本此

厭○絕○行○露○豈○不○夙○夜○謂○行○多○露○誰○謂○雀○無○角○何○以○

穿○我○屋○誰○謂○女○無○家○何○以○速○我○獄○誰○速○我○獄○室○家○不○

足○誰○謂○鼠○無○牙○何○以○穿○我○墉○誰○謂○女○無○家○何○以○速○

我○訟○誰○速○我○訟○亦○不○女○從○

先○鳴○其○守○爲○下○張○本○氣○象○從○容○不○突○不○急○下○文○正○

意○只○雖○速○我○獄○二○語○便○了○卻○先○反○振○誰○謂○雀○無○角○

四○語○遂○覺○精○神○聳○動○筆○力○邁○整○乃○知○文○章○家○唯○反○

則○不○板○唯○反○則○不○死○

首章如游魚銜鉤而出淵二三如翰鳥披雲而下墜○

易林○厭泡晨夜道多湛露○織衣濡襦重不可步○
正用此首章意○

首章起用露字末用露字○古人不忌重韻也○凡
漢以下亦然如陌上桑焦仲卿妻作等篇其重
韻有不可枚舉者○顧亭林謂初唐詩最嚴整而
盧照鄰長安古意云○別有豪華稱將相○轉日回

天不相讓。意氣由來排灌夫。專權判不容蕭相。
亦用二相字。若必字同義異。方可重用。則此詩
之二相。固無異義也。卽二露亦何異哉。
詩中疊句疊韻二種體裁。各異不可以一律論。
此詩後二章疊韻。老杜花卿歌。人稱花卿絕世。
無旣稱絕世。無天子何不喚取守東都。句法從
此出。
五言之作。此篇已有濫觴。
羔羊之皮。素絲五紵。退食自公。委蛇委蛇。
羔羊之

革素絲五絨委蛇委蛇自公退食
五總委蛇委蛇退食自公

羔羊之縫素絲

退食自公委蛇委蛇分明畫出朝廷無事光景猶
唐詩聖朝無關事自覺諫書稀也宋人從羔羊素
絲見佗節儉遂執定節儉正直對看不知羔羊二
句但指其人耳真皮相可笑

台觀茅苴想見二南朝野氣象

退食二句隨意變化妙絕奇絕

殷其雷在南山之陽何斯違斯莫敢或遑振振君子

上歸哉其歸下歸哉
不敢決其歸一句中兼
兩意恰仍從違字生來
女家結束之精無餘於
此

歸哉歸哉。殷其雷在南山之側。何斯違斯。莫敢違
息。振振君子。歸哉歸哉。殷其雷在南山之下。何斯
違斯。莫或違處。振振君子。歸哉歸哉。

違字與在字相呼應。歸字與違字相呼應。一步
緊一步也。何斯違斯。遠行他所。無敢或暇。古詩
云。去年離別日。只道往桐廬。桐廬人不見。今得
廣南書。正是此意。

標有梅。其實七兮。求我庶士。迨其吉兮。
實三兮。求我庶士。迨其今兮。
標有梅。頃筐暨之。求

寔命不同豈可謂安
其名分何至小大賤
妨貴

我庶士迨其謂之

此詩三個求字急忙中甚有分寸不曰我求而曰求我意義亦自凜然

嘒彼小星三五在東情中景中肅肅宵征夙夜在公寔命不同
嘒彼小星維參與昴肅肅宵征抱衾與裯實命不猶

情景逼真讀之如在昭陽長信間

唐詩紫禁香如霧青天月似霜雲韶何處奏只是在昭陽又監宮引出暫開門隨例趨朝不是恩銀

三句起一句耳
跌一句妙

鑰○卻○收○金○鎖○合○月○明○花○落○又○黃○昏○景○物○不○殊○恩○怨○
自○別○

五○句○成○章○之○詩○有○連○句○隔○句○用○韻○者○後○世○七○言○
如○晉○并○州○歌○唐○田○使○君○歌○體○本○此○

江○有○汜○之○子○歸○不○我○以○不○我○以○其○後○也○悔○江○有○渚○
之○子○歸○不○我○與○不○我○與○其○後○也○處○江○有○沱○之○子○歸○
不○我○過○不○我○過○其○嘯○也○歌○

無○望○之○恩○無○望○之○慶○故○自○倍○至○

曼○音○急○節○拍○度○可○想○

三句與一句

包物以茅護門以大宛
然村落間氣象小家之
女其自守尚如此

其
即在車上看出微

小○星○怨○不○勝○感○江○汜○怨○不○勝○喜○
每○章○以○跌○筆○作○收○筆○句○法○神○品○

野○有○死○腐○白○茅○包○之○有○女○懷○春○吉○士○誘○之○
檄○野○有○死○鹿○白○茅○純○束○有○女○如○玉○
舒○而○脫○脫○兮○無○
感○我○慨○兮○無○使○龙○也○吠○

讀○至○末○章○語○妙○甚○於○厲○詞○矣○無○使○龙○吠○即○漢○樂○
府○雞○鳴○狗○吠○兄○嫂○當○知○之○之○意○也○杜○詩○云○青○鳥○
飛○去○銜○紅○巾○不○幾○乎○感○慨○耶○

何○彼○襪○矣○唐○棣○之○華○曷○不○肅○雝○王○姬○之○車○
何○彼○襪○

矣○華○如○桃○李○平○王○之○孫○齊○侯○之○子○
伊○緡○齊○侯○之○子○平○王○之○孫○
其○釣○維○何○維○絲○

通篇俱在詩人觀望中着想。曷不二字宛然道
路○聚○觀○企○踵○盱○眙○相○顧○歎○賞○之○語○
前後上下分配成類。是詩家合錦體。

彼○茁○者○葭○壹○發○五○紕○于○嗟○乎○騶○虞○
五○紕○于○嗟○乎○騶○虞○
彼○茁○者○蓬○壹○發○

此記蒐田之時。曹子桓所謂勾芒司節和風扇
物○草○淺○獸○肥○之○時○也○彼○後○世○萋○楚○興○悲○黃○鳥○致○

怨○當○時○之○民○雖○欲○爲○盛○世○之○一○木○一○獸○亦○不○可○
得○矣○故○曰○猛○虎○之○政○起○騶○虞○之○仁○熄○

讀風臆補卷三

明荆南戴君恩原本 鎮海陳繼揆舜百補輯

邶

一篇長門賦本自陽雲翻云如有更覺凄然

達怒句所謂謂已轉直而還原此女變申中書于也

兩言靜思多少情緒

如匪澣衣形容最妙

讀風臆補上卷

邶

一

汎○彼○柏○舟○亦○汎○其○流○耿○耿○不○寐○如○有○隱○憂○微○我○無○酒○
以○敖○以○遊○我○心○匪○鑒○不○可○以○茹○亦○有○兄○弟○不○可○以○
據○薄○言○往○愬○逢○彼○之○怒○我○心○匪○石○不○可○轉○也○我○心○
匪○席○不○可○卷○也○威○儀○棣○棣○不○可○選○也○憂○心○悄○悄○愠○
于○羣○小○覲○閱○既○多○受○侮○不○少○靜○言○思○之○寤○辟○有○標○
日○居○月○諸○胡○迭○而○微○心○之○憂○矣○如○匪○澣○衣○靜○言○思○之○

不能奮飛

布局極寬。結構極緊。

通篇反覆思量。不解其故。一段隱憂。千載猶恨。此詩以離騷例之。則作仁人不遇看。較有味。仁和龔鑑曰。離騷云。眾女嫉余之蛾眉兮。謠詠謂余以善淫。非郝氏所謂託賢女以自鳴者之一證乎。閨百詩云。朱慶餘作閨思一篇。獻水部郎中張籍云。洞房昨夜停紅燭。待曉堂前拜舅姑。妝罷低聲問夫婿。畫眉深淺入時無。此若掩其

題豈知是以生平就正於人之作。寶梁賓以才藻見賞進士盧東美。東美及第爲喜詩云。曉妝初罷眼猶矐。小玉驚人踏破裙。手把紅箋書一帙。上頭名字有郎君。此若掩其姓名有不以爲婦喜夫登第之作乎。詩有難辨如此。吾欲誦以質晦翁。

易林汎汎柏舟。流行不休。耿耿寤寐。心懷大憂。仁不逢時。復隱窮居。正與序同。觀閔旣多受侮。不少實。後來駢驪之祖無心屬。

無就句妙失意人不求
他好但求無過而已

對而對極流利古詩胡馬依北風越鳥巢南枝
工切語亦甚自然六朝惟淵明得之芳草何茫
茫白楊亦蕭蕭是也

楊文公云已擠溝壑猶下石而不休方困蒺藜
尚彎弓而未已卽觀閔二句意

綠兮衣兮綠衣黃裏心之憂矣曷維其已 綠兮衣
兮綠衣黃裳心之憂矣曷維其亡 綠兮絲兮女所
治兮我思古人俾無就兮 緜兮綌兮淒其以風我
思古人實獲我心

讀○詩○不○可○一○字○放○過○嚴○華○谷○曰○讀○綠○兮○衣○兮○當○
玩○兩○兮○字○詩○有○黃○鳥○白○華○不○言○黃○兮○鳥○兮○白○兮○
華○兮○惟○此○云○綠○兮○衣○兮○蓋○綠○以○喻○妾○衣○以○喻○上○
儻○故○以○兩○兮○字○點○綴○而○丁○甯○之○

與○眼○前○人○爭○黃○角○綠○只○見○他○不○是○怎○得○開○懷○日○
子○拋○卻○眼○前○境○界○將○身○與○古○人○齊○等○省○多○少○罪○
過○生○多○少○快○活○

回○黃○倒○綠○無○定○期○世○情○反○覆○君○所○知○言○之○殊○爲○
慨○然○至○絺○綌○淒○風○則○又○想○見○樸○素○情○懷○冷○淡○景○

燕燕鶯鶯一鳥一呼喚
字神妙

不須顯言情自酸楚

無數委託祇可默會然
目斷行塵無泪可灑矣
追憶生平無限凄婉

況矣班婕妤團扇歌亦有此意

燕○燕○于○飛○差○池○其○羽○之○子○于○歸○遠○送○于○野○瞻○望○弗○及○
泣○涕○如○雨○燕○燕○于○飛○頡○之○頡○之○子○于○歸○遠○于○將○
之○瞻○望○弗○及○伫○立○以○泣○燕○燕○于○飛○下○上○其○音○之○子○
于○歸○遠○送○于○南○瞻○望○弗○及○實○勞○我○心○仲○氏○任○只○其○
心○塞○淵○終○溫○且○惠○淑○慎○其○身○先○君○之○思○以○勗○寡○人○
瞻○望○追○憶○之○情○千○載○讀○之○猶○爲○欲○泣○

同○一○二○三○都○虛○敘○四○纔○實○點○亦○是○倒○法○與○采○蘋○章○頗○

身弑國危之痛。毫不露出。

燕鴻往來。靡定別離者。多以此起興。如魏文帝
燕歌行。羣燕辭歸雁。南翔念君客。遊思斷腸。謝
宣城送孔令詩。巢幕無留燕。老杜詩。秋燕已如
客。是也。其曰燕燕者。古人重言之。亦猶漢書童
謠云。燕燕尾涎涎耳。

燕燕二語。深婉可誦。後人多許詠燕詩。無有能
及之者。山陽潘德輿曰。六一詩話。謂謝景伯池
館無人。燕學飛。不如空梁落燕泥也。予謂不然。

薛道衡句誠天然風韻矣。然宋詩如景伯語又何少也。必取佳句而排擠之。則薛句能如燕燕于飛。差池其羽否耶。

讀頡之頡之句。覺無數蜻蛉飛上下。便是老杜拙句。

瞻望弗及。伫立以泣。送別情景。二語盡之。是真可泣鬼神矣。張子野短長句云。眼力不如人遠。上溪橋去。東坡子由詩云。登高回首坡隴隔。惟見烏帽出。復沒。皆遠紹其意。

勳曰古人古處便見他
一肚皮不合時宜

飛○鳥○依○人○人○自○憐○之○熒○熒○兩○蓂○嬋○郊○門○訣○別○形○
影○相○弔○那○不○動○老○臣○故○舊○之○心○

日○居○月○諸○照○臨○下○土○乃○如○之○人○兮○逝○不○古○處○胡○能○有○
定○甯○不○我○顧○日○居○月○諸○下○土○是○冒○乃○如○之○人○兮○逝○
不○相○好○胡○能○有○定○甯○不○我○報○日○居○月○諸○出○自○東○方○
乃○如○之○人○兮○德○音○無○良○胡○能○有○定○俾○也○可○忘○日○居○
月○諸○東○方○自○出○父○兮○母○兮○畜○我○不○卒○胡○能○有○定○報○我○
不○述○

畜○我○不○卒○句○癡○絕○秀○絕○逼○真○婦○人○語○也○女○無○不○

如費

此非身歷其境者不能道

嫁而曰畜我不卒者深悲極痛之詞
終風且暴顧我則笑諠浪笑敖中心是悼
終風且
羅惠然肯來莫往莫來悠悠我思
終風且
有瞢瞢言不寐願言則嚏
瞢瞢其陰虺虺其雷
言不寐願言則懷

莊公昏昧狂蕩之態分明畫出
怨慕也

上篇呼日月以訴其情此篇託風雷以寫其態
然上篇曰甯不我顧此篇曰顧我則笑願亦猶

能使阻兵安忍之無阻
船紙上起法之妙無論
此者

心懷意願之態極寫如畫

死別已吞聲生別常惻惻

之不願耳真令人輒喚奈何也

○只○此○二○語○急○憤○可○想○
擊鼓其鏜踊躍用兵土國城漕我獨南行

從孫子

仲○平○陳○與○宋○不○我○以○歸○憂○心○有○仲○
爰○居○爰○處○爰○喪○

其○馬○于○以○求○之○于○林○之○下○
死○生○契○闊○與○子○成○說○執○

子○之○手○與○子○偕○老○
于○嗟○闊○兮○不○我○活○兮○于○嗟○洵○兮○

不○我○信○兮○

老杜垂老別諸作便可不讀

格法極鬆卻極緊是一片文字

陳僅曰起語極豪下文乃步步怨恨聲聲訣絕

可以知其故矣。老杜兵車行全篇體格從此脫胎。

王仲宣詩從軍有苦樂。但問所從誰。卽二章首句。意爰喪其馬。唐人所謂去時鞍馬別人騎也。執子之手。與子偕老。握手一長歎。淚爲生別滋。更令人不堪卒讀矣。

唐人詩醉臥沙場君莫笑。古來征戰幾人回。卽不我活。意可憐。無定河邊骨。猶是春閨夢裏人。卽不我信。意。

棘心棘薪易一字而意
各入妙

通篇精神在此二句母氏
勞苦莫慰母心正以見其
無令人也

玩兩于嗟句鼓聲高亮人聲酸楚矣

奇○語

凱風自南吹彼棘心棘心天天母氏劬勞凱風自

南吹彼棘薪母氏聖善我無令人爰有寒泉在浚

之下有子七人母氏勞苦晚晚黃鳥載好其音有

子七人莫慰母心

母氏聖善我無令人天王聖明臣罪當誅千載同

心亦復同調

通體一味自責有舜耕歷山號泣口天氣象

方望溪曰一則曰母氏劬勞再則曰母氏勞苦

中國中有墳墓氣辛意
美云年旅之閒可以濟
者其唯仁恕乎千載有
兩

非○徒○念○母○亦○使○其○母○念○育○子○之○艱○而○不○忍○去○室○
也○一○則○曰○有○子○七○人○再○則○曰○有○子○七○人○非○徒○自○
責○亦○使○其○母○覺○年○歲○已○長○而○顧○惜○名○義○也○
棘○心○天○天○母○氏○劬○勞○孟○東○野○遊○子○吟○誰○言○寸○草○
心○報○答○三○春○暉○意○出○於○此○

雄雉于飛泄泄其羽我之懷矣自詒伊阻雄雉于
飛下上其音展矣君子實勞我心瞻彼日月悠悠
我思道之云遠曷云能來百爾君子不知德行不
枝不求何用不臧

抵首掉頭不肯住

讀風憶補上卷

邯

八

古○詩○良○人○惟○古○歡○枉○駕○惠○前○綬○亦○得○雄○雉○于○飛○
之○義○者○我○之○懷○矣○自○詒○伊○阻○但○願○在○家○相○對○貧○
不○向○天○涯○金○繞○身○躍○然○言○外○

伎○求○二○字○世○路○風○波○人○情○雲○雨○皆○由○此○起○思○嬾○
念○征○人○之○切○故○於○閨○閣○中○想○出○一○段○居○身○涉○世○
道○理○立○言○何○等○深○婉○

苑○有○苦○葉○濟○有○深○涉○深○則○厲○淺○則○揭○
○篇○大○意○有○彌○濟○盈○有○

鷺○雉○鳴○濟○盈○不○濡○軌○雉○鳴○求○其○牡○
○呼○下○離○離○鳴○雁○旭○日○

始○旦○士○如○歸○妻○迨○冰○未○泮○
招○招○舟○子○人○涉○卬○否○人○

跌一句妙

涉○叩○否○叩○須○我○友○

一但虛提當度禮義爲全章立案。兩則字何等精
神。二反呼三四正應。但三之應濟盈句。四之應雉
鳴句。格法微妙。人未易測。

總目全篇

出門便是路人此正寸
步千里時也遲遲二字

此詩第二章上二句漸騰盈鳴。下二句盈鳴軌
牡。兩句中具四韻交互爲叶。千古創格也。
習習谷風以陰以雨。黽勉同心。不宜有怒。采芣采菲。
無以下體。德音莫違。及爾同死。行道遲遲。中心有
違。不遠伊邇。薄送我畿。誰謂荼苦。其甘如薺。宴爾新

可想

無限辛勤百端交集

毒字慘極同心同死今
竟何如至末句其恨
刺骨真筆上訴天應泣
以我御窮窮盡弓藏千
古同慨

昏如兄如弟 涇以渭濁湜湜其汙宴爾新昏不我
屑以毋逝我梁毋發我笱我躬不閱遑恤我後 就
其深矣方之舟之就其淺矣泳之游之何有何亡黽
勉求之凡民有喪劬劬救之 不我能愔反以我爲
讎既阻我德賈用不售昔育恐育鞠及爾顛覆既生
既有比子于毒 我有旨蓄亦以御冬宴爾新昏以
我御窮有洸有潰既詒我肄不念昔者伊余來暨
卓女之所以有白頭吟也行道遲遲二句思致
微遠紫玉歌所謂身遠心邇洛神賦所謂足往

神○留○皆○祖○此○中○間○說○甘○苦○二○字○香○山○詩○人○生○莫○
作○嬾○人○身○百○年○苦○樂○由○他○人○正○是○此○詩○註○腳○
觀○此○三○章○知○顧○況○棄○婦○詞○不○足○讀○矣○顧○詞○云○憶○
昔○初○嫁○君○小○姑○纔○扶○床○今○日○君○棄○妾○小○姑○如○妾○
長○回○頭○語○小○姑○莫○嫁○如○兄○夫○忿○恨○決○絕○豈○若○谷○
風○婦○人○雖○見○棄○而○猶○顧○家○事○哉○惟○東○漢○竇○元○妻○
古○怨○歌○熒○熒○白○兔○東○走○西○顧○衣○不○如○新○人○不○如○
故○四○語○音○長○節○短○直○可○上○接○風○詩○耳○又○唐○詩○云○
覆○舟○再○收○豈○滿○懷○棄○妾○已○去○難○重○回○亦○遑○恤○我○

後○之○旨○而○意○稍○決○絕○去○風○人○已○遠○矣○

詩○中○疊○言○新○昏○老○杜○佳○人○一○篇○新○人○美○如○玉○但○
見○新○人○笑○疊○言○新○人○意○本○此○

陳○僅○曰○結○語○不○念○昔○者○伊○余○來○暨○人○生○到○此○真○
是○不○堪○回○首○然○猶○望○其○夫○垂○念○舊○情○回○心○於○舊○
一○明○皇○王○皇○后○寵○衰○泣○曰○三○郎○獨○記○不○得○阿○忠○
脫○紫○半○臂○換○一○斗○麪○爲○生○日○湯○餅○耶○千○古○棄○婦○
逐○臣○當○同○此○一○哭○

揆○向○讀○趙○秋○谷○棄○婦○詞○記○其○中○數○語○云○出○門○拜○

慷慨激昂中有中夜起
無之意

姑○嫜○十○步○一○迴○顧○心○傷○雙○履○迹○一○一○來○時○路○留○
妾○明○月○珠○新○人○爲○耳○璫○不○恨○奪○妍○寵○猶○得○依○君○
傍○寶○鏡○守○故○奩○上○有○君○王○塵○持○將○不○忍○拂○舊○意○
託○相○親○亦○頗○得○國○風○遺○意○者○

凡○民○二○句○或○謂○不○合○婦○人○口○吻○故○谷○風○一○詩○當○
爲○香○草○美○人○之○張○本○

式○微○式○微○胡○不○歸○微○君○之○故○胡○爲○乎○中○露○
式○微○式○
微○胡○不○歸○微○君○之○躬○胡○爲○乎○泥○中○

胡○不○二○字○有○翻○然○振○作○意○晉○人○所○謂○戮○力○王○室○

第二句突元值得一驚

代為解說語益難堪

亦超亦雋然此二句卻

是創製法

微尾流離淒涼蕭索為

怨難勝

克復神州者豈作楚四相對泣耶

每章四句兩換韻此促句換韻法也漢武帝瓠
水歌梁武帝東飛伯勞歌體本此

列女傳謂上二句黎莊夫人之傳母作下二句

夫人所作宋方勺因据為聯句之祖

旄正之葛兮何誕之節兮叔兮伯兮何多日也何

其處也必有與也何其久也必有以也狐裘蒙戎

匪車不東叔兮伯兮靡所與同瑱兮尾兮流離之

子叔兮伯兮裒如充耳

謔笑傲勞若無人

堅卓之筆

不覺透出本懷來

言婉而多諷

曲折以體其情○終乃質言以責之○忠厚之至○

簡兮簡兮○方將萬舞○日之方中○在前上處○
頌人侯

侯公庭萬舞○有力如虎○執轡如組○
可憐左手執籥○右手

秉翟○赫如渥赭○公言錫爵○
更自可憐山有榛○隰有苓○云誰之

思○西方美人○彼美人兮○西方之人兮○

淒涼處不獨在末章

慨○今○望○古○縣○邈○低○徊○後○一○章○兩○兮○字○忽○作○變○調○
亦○與○首○章○首○句○神○韻○相○應○然○牢○騷○感○慨○之○中○每○

思○明○聖○獻○伎○傾○觴○而○外○自○寫○懷○來○倘○使○明○良○可○
作○則○上○處○亦○西○方○也○正○以○美○人○望○我○公○耳○不○當○
作○談○諧○滑○稽○傲○睨○王○侯○看○

秋風詞云蘭有秀兮菊有芳懷佳人兮不能忘
與末章起興例同然舉頭天外知一部離騷實
從此化出矣

西方美人倒轉兩字而意自遠然末章六句三
四讀斷五六須另起方有意味若云誰四句作
一氣滾說便不成文字矣

絕大手筆絕妙摹寫
借聊與之謀生出二重意
思波瀾橫生筆墨層出可
謂千古奇觀

幻境中又生一幻境

悲○彼○泉○水○亦○流○于○淇○有○懷○于○衛○靡○日○不○思○變○彼○諸○姬○
聊○與○之○謀○出○宿○于○泚○飲○餞○于○禰○女○子○有○行○遠○父○母○
兄○弟○問○我○諸○姑○遂○及○伯○姊○妙○妙○出○宿○于○干○飲○餞○于○言○載○
脂○載○牽○還○車○言○邁○邁○臻○于○衛○不○瑕○有○害○我○思○肥○泉○
茲○之○永○歎○思○須○與○漕○我○心○悠○悠○駕○言○出○遊○以○寫○我○憂○
有○懷○於○衛○靡○日○不○思○詩○題○也○以○下○俱○藉○之○以○描○寫○
有○懷○之○極○思○耳○蜃○樓○海○氣○出○有○入○無○詩○人○作○怪○如○
此○若○認○做○實○與○諸○姬○謀○之○謀○之○不○可○而○出○遊○以○寫○
其○憂○則○詩○為○拙○手○作○詩○者○為○癡○漢○矣○故○知○宋○人○發○

乎○情○止○乎○義○之○說○大○可○軒○渠○

全○詩○皆○虛○景○也○因○想○成○幻○構○出○許○多○問○答○許○多○
路○途○又○想○到○出○遊○寫○憂○其○實○未○出○中○門○半○步○也○
東○野○征○婦○怨○漁○陽○千○里○道○近○如○中○門○限○中○門○踰○
有○時○漁○陽○常○在○眼○卽○此○意○亦○猶○杜○工○部○所○謂○卽○
從○巴○峽○穿○巫○峽○便○下○襄○陽○向○洛○陽○也○

一○說○出○遊○寫○憂○猶○班○超○所○云○不○敢○望○到○酒○泉○郡○
但○願○生○入○玉○門○關○之○意○亦○通○

泉○水○竹○竿○載○馳○皆○衛○女○已○嫁○時○作○非○本○國○詩○而○

已焉哉句從終字生來
人竊呼天實爲之句
又從已字生來

繫之衛者豈其詩有衛聲歟沈歸愚本朱子鄘
音係鄘鄘音係鄘之說謂如塗山歌於候人始
爲南音有娥謠於飛燕始爲北音夏甲歎於東
陽東音以發殷整思於西河西音以興之例也
蘇子由曰猶莊舄之病而越吟也

出自北門憂心殷殷終寶且貧莫知我艱已焉哉天
實爲之謂之何哉王事適我政事一俾益我我入
自外室人交徧謫我已焉哉天實爲之謂之何哉
王事敦我政事一俾遺我我入自外室人交徧摧我

已焉哉。天實爲之。謂之何哉。

陳僅曰。小星寔命不同。寔字知命而安之也。其辭泰北門。天實爲之。實字知天而聽之也。其辭戚所遇不同而皆不失爲賢。

龔鑑曰。室人交謫。較之仕路崎嶇爲尤甚。賢達之士。以此違其素願者多矣。陶靖節與子書曰。但恨鄰靡二仲。室無萊婦。抱茲苦心。良獨內愧。韓文公董生行曰。父母不戚戚。妻子不咨咨。未有室無同志。而能成其介節者也。

八字北風圖

有狐媚衛朝鳥食為益之意

北風其涼雨雪其雱惠而好我攜手同行其虛其邪
既亟只且北風其喈雨雪其霏惠而好我攜手同
歸其虛其邪既亟只且莫赤匪狐莫黑匪鳥惠而
好我攜手同車其虛其邪既亟只且

以風雪形愁慘之狀則日月不發其光華以狐
鳥著危亂之徵則麟鳳孰呈其祥瑞觸目驚心
都非景象總是曲摹亟字不必當時真有此事
也

杜甫九日寄岑參詩中段亦悲天憫人者其詩

如繪

歸莫如贈藥脂極之類

云大明韜日月○曠野號禽獸○卽雨雪○孤鳥之意○也○君子○強○遠○迤○小人○困○馳○驟○卽○同○車○同○行○之○詞○也○杜○詩○之○所○以○上○繼○國○風○乎○

靜女其姝○俟我于城隅○愛而不見○搔首踟躕○靜女其變○貽我彤管○彤管有煒○說懌女美○自牧歸荑○洵美且異○匪女之爲美○美人之貽○

通詩以愛字爲主管○與荑無所謂美○曰有煒曰且異○以所愛及所不愛也○皆從一愛字生出○然其傳神處○尤在搔首踟躕四字耳○

姜白巖曰。愛而不見。搔首踟躕。詞婉意微。不迫。不露。國風之所以可貴也。古詩云。馨香盈懷袖。路遠莫致之。李太白云。皓齒終不發。芳心空自持。皆無媿於國風矣。杜牧之云。多情卻似總無情。惟覺尊前笑不成。意非不佳。然而詞意淺露。略無餘蘊。元白張籍其病正在此。

一說城隅乃後宮幽閒之地。謂貞靜之女處幽閒而待進御也。張子云。後宮西北。邃城隅。俟我幽閒。念彼姝是。亦足備一解者。

求燕婉而得此醜惡
有人心自當吐棄

奇事

舟影波光相上下

不忍言乃保於言

新臺有泚○河水瀾瀾○燕婉之求○籊籊不鮮○
新臺有○
泗○河○水○浼○浼○燕○婉○之○求○籊○籊○不○殄○
魚○網○之○設○鴻○則○
離○之○燕○婉○之○求○得○此○戚○施○

人道既絕○詩亦怒罵矣○讀末章魚網二句○覺鳥
萃萃中○管施木上○皆從此化出○

二○子○乘○舟○汎○汎○其○景○願○言○思○子○中○心○養○養○
二○子○乘○
舟○汎○汎○其○逝○願○言○思○子○不○瑕○有○害○

明知遇害○但云不瑕○悲傷之情○更覺淒絕○

李郭同舟○號爲僊侶○今乃如一陣黑風○吹向羅

刹鬼國何也

不曰形而曰影已有顧影堪憐之意不曰行而
曰逝一去不返影亦不復覩矣真令人不堪卒
讀也